



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

III. & patre Barachia.

urn:nbn:de:hbz:466:1-16260

DE PROPHETIA ZACHARIE.

I. *Disputatur de Zacharia, II. deque ejus avo Addone, III. & patre Barachia, IV. Probatum Prophetia Zacharie*
 זכריהו וגו' & antiquitas.

*Disputatur
de Zacharia,
Agg. 1. 1.*

*Cyrril. Pref.
Comment. in
Zach.
Dorotheo. de vit.
Prop.
Epiph. De vit.
Prop.*

I. **S**EQUITUR Zacharias, parentum ipse suorum & ætatis index, se quippe Deo afflatum fuisse anno secundo Darii, octavo mense, duobus nempe mensibus post Aggeum, quem mense sexto ejusdem anni vaticinatum esse Scriptura sancta nos docet, filium vero Barachia, filii Addo declarat. Levitica tribu ortum, Sacerdotibus prognatum, & Hierosolymæ, in cerdotio functum fuisse produnt Cyrillus & Pseudo-Dorotheus. Jam grandem natu Hierosolymam Babylone revenisse, plurimisque predictionibus ac prædigiis editis, utrobique inclausisse, à supposito Epiphano, eodemque ipsius testatore Dorotheo tractum est. In sepulcro vero ipsius assignando à duce suo discedit Dorotheus. Ille enim prope Aggeum fuisse sepulcrum narrat, Hierosolymis videlicet, ut diximus: Dorotheus ab Eleutheropoli stadiis quadraginta, in agro Noëman, cui nomen Bethania, centum ac quinquaginta stadiis Hierosolyma distito. Verum cum subjiciat hunc fuisse Zachariam Barachia filium, cujus meminit Isaias, videtur Zachariam illum cum nostro hoc confudisse, quos tamen diversos fuisse ratio temporum demonstrat, & nos mox ostendimus. Supra notavimus Rabbiorum quorundam esse sententiam, inter Synagoga magnæ *מפוזת* lectum cum fuisse, perinde ut Aggeum, cum quo plurima ipsi fuere communia. Ea jam tametsi observasse satis est. Nec de ætate, quæ æqualis utrique sub Dario Hytaspida fuit, verbum amplius addam. Tantum Lectorem commonefaciam, valde Cyrillum suam fecidisse memoriam, cum Zachariam Sophoniæ coævum finxit, quem Josia temporibus floruisse nulli dubium est. Sed sancto ac erudito viro gratificantes credamus potius mendam infedisse ipsius codices, & nomini Aggai Sophoniæ nomen subrepsisse, ac illud sedibus tandem suis extrusisse.

*deque ejus
avo Addone,
1. Esai. 1. 1.*

*Cyrril. Pref.
Comment. in
Zach.*

Matth. 1. 1.

II. Nunc vero dubitationibus aliquot occurrere decet, quæ circa Zachariæ parentes oriri possunt. Nam primum videndum est, quid sit, cur cum se dicat *filium Barachia, filii Addo*, initio Prophetiæ suæ, in libro tamen Esdræ filius Addo appelletur. Interpretes Septuaginta Zachariam Barachia & Addo filium statuunt his verbis: *Ζαχαριαν υιον υιου Βαρχαϊ, υιον αδδου υιου Αδδου*. Hieronymus quoque in interpretatione sua ad Ebraicum excelsa: *Ad Zachariam filium Barachia, filium Addo Prophetam*: quam lectionem & in expositione sua sequitur: cum Vulgata tamen habeat, *filii Addo*. Atque hinc quæstionem movet, neque solvit, *cum sit filius Barachia, quare dicatur filius Addo*. Existimat Cyrillus natura filium fuisse Barachia, institutione vero & imitatione Addonis Prophetæ. At exemplis fidem facere debuerat, quæ nusquam extant. Credibilius esset natura alterius filium fuisse, alterius Lege, altero nimirum sine liberis mortuo, alterum agnatum ad Mosaicæ Legis præscriptum vidua ducta, Zachariam in defuncti agnati nomen & familiam genuisse. Sed malumus in recentiorum Interpretum sententiam concedere, qui Barachiam Zachariæ patrem, Addonem avum ponunt, filium vero Addonis dici apud Esdram, quod generali filiorum nomine nepotes ab Ebraicis appellari soleant. Testis: unus pro omnibus Matthæus: *Liber generationis Iesu Christi, filii David, filii Abraham*. Ebraicum exemplar libri Zachariæ utramque admittit interpretationem, *Filium Barachia, filii Addo*; & *Filium Barachia, filium Addo*. Atque hinc dubitationis origo. Minime vero ferendas est Hieronymus, cum Addonem hunc Zachariæ avum, cum ipsi esse sine hæsitatione pronuntiat, qui ad Jeroboamum in Bethel sacrificantem missus, futuram aræ demolitionem prædixit. Utcumque enim rationem subdlexeris, non efficies, ut avum inter & nepotem intercedere possint quadringenti & quinquaginta anni, quorum intervallo Darius Hytaspides Jeroboamo Nabati filio recentior fuit.

& patre Barachia.

III. Quærendum præterea, idemne sit Zacharias hic noster Barachia filius, an Zacharias alter Barachia itidem filius, cujus capite octavo Isaias meminit. Id ne credamus, facit diuturnitas temporis, quæ Achazum regem Juda, ad cujus ætatem pertinet hoc Isaiæ caput, à Dario Hytaspida dirimit: anni enim interjacent plusquam ducenti. Is præterea quem Vulgata Isaiæ editio Barachia filium facit, Jebarechia filius fuit juxta Ebraicos Codices, *בן יברכיה*: cum Prophetæ noster dicatur *בן ברכיה*, *filius*

Barachia. Longe etiam minus credibile est nostrum hunc Zachariam cum fuisse, quem Joasi regis iussu, in atrio domus Domini lapidibus necatum fuisse Paralipomena narrant: quod tamen Auctor libri De vita & morte Prophetarum, qui Epiphanio adscribitur, affirmasse legitur in Codice Augustano. Nam si Joasi temporibus occubuit, quomodo ad Darii Hytaspidae tempora potuit pervenire, qui totis trecentis annis recentior fuit? Deinde hic Jojada filius fuit, ille Barachia. Utrum vero noster ille sit, quem apud Mattheum & Lucam Christus interfectum fuisse dicit inter Templum & aram; an potius Zachariam alium significaverit, qui Joasi regis iussu, ut dixi, in atrio domus Domini lapidibus necatus esse dicitur in Paralipomenis, dijudicare haud ita promptum est. Barachia quidem filius est noster, ut ille Christi; inter Templum vero & aram caelum fuisse Scriptores sacri haudquam tradunt, *Αλλά ἐν τῷ ἱερῷ τῷ ἱεροῦ ἐν τῷ ἱεροῦ*, inquit Origenes, *καὶ οὐκ ἐν τῷ ἱεροῦ*. Sed & de Zacharia filio Barachia, acciso inter Templum & locum sacrificiorum, à Jesu quidem didicimus, à nulla vero alia Scriptura cognovimus. Caelus est ille Paralipomenon in atrio Templi, perinde ut ille Christi; at Barachia filius hic fuit, ille Jojada. Undique angustia, Genuisse nonnullos Prophetam nostrum à Christo fuisse notatum docet Hieronymus, optimus nodi hujus vindex: eosdemque hoc argumento refellit, quod ejus temporibus vix Templi ruinae superferunt. In alteram itaque abijt sententiam, & Zachariam à Joaso morte affectum, cum esse vult, quem Christus commemoravit: atque hunc in Evangelio, quo utebantur Nazaraei, & cujus exscribendi licentiam sibi factam fuisse ait ab iis qui Beream Syriae incolebant, non Barachia, sed Jojada filium esse dictum. Duos itaque tantum habemus Zacharias Barachia filios, alterum Isaiae coævum, alterum Prophetam unum è Dodecim. Meminit praeterea Josephus, in libris De bello Judaico, Zachariae cujusdam, filii Baruchi, viri itidem pii & sancti, in Templo quoque à Zelotis per invidiam interfecti; atque ita priorem Zachariam Joasi coævum, ut nomine, sic moribus & vita, ac interita etiam & mortis causa referentis.

Par. 24. 20.

Math. 23. 27.
Luc. 11. 51.

Orig. Epist. ad Afric.

Hier. in Math. 23. & De Script. Eccl.

Joseph. de bell. Judaic. libr. 4.

IV. Genuinum autem Zachariae factum esse Prophetiam ipsi adscriptam ostendunt primum Libri ipsius verba, quae de se Zacharias ipse *ἐν τῷ ἱεροῦ* profert. Puta cum ait: *Factum est verbum Domini ad Zachariam filium Barachia, filii Addo. Prophetam, dicens: Vidi per noctem, & ecce vir ascendens super equum rufum, & ipse stabat inter myrteta, quae erant in profundo; & post eum equi rufi, varii, & albi. Et dixi, Quid isti, Domine mi? Et dixit ad me Angelus, qui loquebatur in me, Ego ostendam tibi quid sint haec. Plurima hujusmodi per totum opus sparsa sunt. Hic praeterea valere debent testimonia, quae ad fidem libro Aggae conciliandam supra adduximus, cum par-vaticiniorum utriusque commemoratio nis contineatur. Nobis vero brevitati consulentibus ea iterare nihil attinet. Recitemus potius istud Malachiae: *Revertimini ad me, & revertar ad vos, dicit Dominus exercituum; quod prodissit liquet ex hoc Zachariae: Convertimini ad me, ait Dominus exercituum, & convertar ad vos, dicit Dominus exercituum.* Jam vero si ad novum decurramus Testamentum, multa illic è Zacharia arcessita offendemus: hoc praecipue apud Mattheum: *Dicite filiae Sion: Ecce rex vester venit tibi mansuetus, sedens super asinam, & pullum filium subjugalis: quod & in Evangelium suum Johannes transtulit. Et istud etiam: Et acceperunt triginta argenteos, pretium appretiati, quem appretiauerunt à filiis Israël, & dederunt eos in agrum figuli, sicut constituit mihi Dominus.* Referuntur haec quidem apud Mattheum ad Jeremiam, sed id factum videtur osecantia libroriorum. Quamquam alias alii causas afferunt. Proclivem in nominibus propriis esse lapsum sciunt, qui manu scriptos Codices versare solent. Sic apud Iustinum Zachariae tribuuntur ista, quae Malachiae sunt: *Ecce ego mittam vobis Eliam Prophetam.* Petium est indidem hoc Matthaei: *Scriptum est enim, Percutiam pastorem, & dispergentur oves gregis; quod & Marcus representat: & hoc Johannis: Et iterum ultra Scriptura dicit, Videbunt in quem transixerunt: ἐπιβλήσιν vero istud Pauli: *Loquimini veritatem unusquisque cum proximo suo.* Zacharianum est denique illud Johannis in Apocalypsi: *Ecce venit cum nubibus & videbit cum omnis oculus, & qui eum popugerunt. Et plangent se super eum omnes tribus terrae.* Quam predictionem jam ante attigerat in Evangelio.**

Probat. Prophetiae Zachariae antiquit. Zach. 1. 7, 8.

Mal. 3. 7.
Zach. 1. 3.

Math. 21. 4, 5.
Zach. 9. 9.
Joh. 12. 14.
Mat. 27. 9.
Zach. 11. 12.

Iustin. Dial. cum Tryph. Mal. 4. 5.
Matth. 26. 31.
Marc. 14. 27.
Zach. 11. 7.
Joh. 19. 37.
Zach. 11. 10.
Eph. 4. 25.
Zach. 8. 16.
Apoc. 1. 17.
Zach. 11. 10.

Ceterum quae supra diximus de Psalms aliquot Aggae & Zachariae nomine inscriptis, cum Aggae prophetiam expendere, atque item argumentum quod ad verus Aggae dignitatem prolatum confutavimus, quoniam ea Aggae cum Zacharia communia sunt, huc etiam aequo jure pertinento.

